

ОРТАҚ МҮДДЕГЕ ЖҰМЫЛДЫРДЫ

Рухани құндылықтарын жаңғыртуға бағытталған «Рухани жағыру» бағдарламасы Қазақстанның әлемдегі бәсекеге қабілеттілігін арттыруға, ұлттық ерекшелігін сақтауға, азаматтардың білім алып, сананың ашықтығын насихаттауға арналған. Бұл қасиеттер заманауи қазақстандық үшін басты бағдар болуы керек.

Мұндағы маңызды алты жобаны атап өтсем:

Бірінші жоба – қазақ тілін латын графикасына кезең-кезеңімен көшіру. Жоба тілдің дамуына жаңа серпін беріп, оны әлемдік кеңістікке біріктіруге, азаматтарды тілді меңгеруге қызығушылық пен ынталандыруға бағытталған болатын.

Екінші жоба – «Қазақ тілін

дегі 100 жаңа оқулық». Оның мақсаты – қазақстандық білім алушыларға әлемдегі ең жақсы оқулықтарды қазақ тілінде оқуға мүмкіндік беру.

Үшінші жоба – «Туған жер» өзі туып-өскен жеріне нақты көмек арқылы байланысын нығайтуға мүмкіндік береді. Екіншіден, елдегі қайырымдылық мәдениетін дамыту және оны өзара әлеуметтік

іс-қимыл арқылы мемлекетті қолдау. Үшіншіден, ғылыми, білім беру және инфрақұрылымдық қолдау көрсету - туған жердің тарихын, географиясын, объектілерін зерттеу, оны жақсарту. Жалпы, бұл өлкетану жұмыстарының байыпты процесі басталғанын білдіреді.

Төртінші жоба – «Қазақстанның қасиетті географиясы». Мұнда жұмыс мәдени жадыға, символдық, қасиетті және мәдени-тарихи заттарға негізделген. Сонымен қатар, бұл жобаның нысандары туристік индустрияның тартымды жерлеріне айналады.

Бесінші жоба – «Жаһандық әлемдегі заманауи қазақстандық мәдениет» аясында қазір әлемдік қоғамдастықпен танысу үшін қазақ мәдениетінің үздік туындыларын ұсынуға жағдайлар жасалуда.

Алтыншы жоба – «Қазақстанның 100 жаңа тұлғасы» отандастарға үлгі болатын еліміздің әр түкпірінен, әр түрлі жастағы және түрлі ұлттағы қазақстандықтар-

дың өмірбаяндарын қамтиды. Жаңа тұлғалар қазіргі Қазақстанның бейнесі мен портретіне айналды.

Бұл тұрғыда оқу орынында нақты жұмыстар атқарылуда. Қоғамдық сананы жаңғырту бағдарламасы қоғамды шоғырландыруға, зиялы қауымды, жастарды, халықтың барлық қабаттарының өкілдерін Мемлекет басшысы жариялаған идеялардың айналасына біріктіруге мүмкіндік берді. Модернизацияның барлық бағыттарын іске асыруда ғылыми-сарапшылық қоғамдастықтың, азаматтық қоғам өкілдері мен жастардың белсенді араласуымен жүзеге асырылуда.

**Айтолқын ЕРКІНҚЫЗЫ,
Айжан ӘЛІМБЕКҚЫЗЫ,**

М.Әуезов

атындағы ОҚУ-нің

«Механика және мұнайгаз ісі»

факультетінің

«Стандарттау және сер-

тификаттау»

кафедрасының

аға оқытушылары